



牛先生寫二十号至二十箇 共二十條

共字以千三百七十個

共亦二百三十三又

又寫祀夢詩三條 共字一千二百四十五

共亦の千二百四十五

二共字一千六百一箇 二共字六百七十八又

成威張



西羌傳號多與當前勒姐大豪共脅諸種分兵鈔掠漢中五  
官掾程信率壯士與戰破之號多退走還斷隴道後號多率  
眾七千餘人詣漢陽太守龐參將降賜號多印綬又號封刺  
殺零昌封號封為羌王又勒姐種與隴西種羌號良等通謀  
欲反馬賢擊斬之號良降

姓韻卷七十六

成威張 澍纂

二十號

號 此姓諸書無今補

西羌傳號多與當煎勒姐大豪共脅諸種分兵鈔掠漢中五  
官掾程信率壯士與戰破之號多退走還斷隴道後號多率  
眾七千餘人詣漢陽太守龐參將降賜號多印綬又號封刺  
殺零昌封號封為羌王又勒姐種與隴西種羌號良等通謀  
欲反馬賢擊斬之號良降

到 見風俗通李延壽南史

秦本紀有到滿使助魏攻燕正義云滿或作蒲秦將姓名也  
風俗通漢有東平太守到質

宋書到彥之字道豫彭城或原人爲南豫州刺史中領軍長  
子元度官益州刺史少子仲度爲驃騎從事中郎仲度子攜  
官齊五兵尚書適官南海太守垣齊中書郎貴嗣建昌公齋  
攜子沆字茂濯齊建武中起家後軍法曹參軍天監初遷征  
虜主簿太子沆馬文德殿學士殿中曹侍郎垣三子漑洽沼  
俱知名漑字茂灌梁金紫光祿大夫散騎常侍子鏡字圓照

官太子舍人生蓋官丹陽尹丞洽字茂治梁御史中丞潯陽  
太守子伯淮仲舉舉字德言陳侍中尚書右僕射丹陽尹子  
郁尚世祖妹信義長公主南康內史未之官後爲安成王瑒  
所殺

暴 見風俗通

韓非子白圭相魏暴譴相韓白圭謂暴譴曰子以韓輔我于  
魏我請以魏待子以韓臣長用魏子長用韓

風俗通秦有將軍暴鳶漢有繡衣使者暴勝之字公子河東  
人按史記韓使暴戴救魏爲秦所敗戴走開封非秦將也應

說誤正義曰獻音捐韓將姓名

漢書成帝末郡國盜賊羣起暴勝之爲直指使者衣繡衣持  
斧逐捕盜賊督課郡國東至海以軍興誅不從命威振郡國  
按勝之字公子又按異物志晉南王平新營一宅始移夢一  
人曰平輿令黃欲以一金器賂暴勝之爲勝之所戮埋金在  
吾上見鎮逆甚苦君復築室無復出入涯平明旦即鑿壁下  
入五尺果得金此勝之遺事也

賈復傳復東擊更始睢陽太守暴汜汜降按睢陽一作淮睢  
陽汜亦作記

水經注南陽新野人暴利長當成帝時遭刑屯田敦煌界數  
于于渥注水旁見羣馬中有奇異者與凡馬來飲此水利長  
先作土人持勒鞞于水旁後馬玩習久之代土人持勒鞞收  
得其馬獻之欲神異此馬云從水中出

泰山都尉孔宙孔廟碑陰有門生魏郡鄴暴香字伯子  
集古印謚漢有暴不害

蜀錄建平都尉暴重殺羅尚子守氏并成隗文復叛重討之  
殺韓松自領三府事

後魏書暴顯字思祖斥丘人祖喟仕魏爲琅邪太守朔州刺

史父誕爲恒州刺史左衛將軍顯幼時見一沙門指之曰此  
郎好相表大必爲良將從孝莊帝獵一日手禽禽獸七十三  
後封定陽王按侯景反時暴爲廣州刺史爲景所執自拔歸  
按亦見北齊書

全史初暴洧以環州降及割陝西河南與宋人洧奔夏國夏  
人以爲山訛首領及撒离喝再定陝西洧思歸夏人知而族  
之

明史暴昭潞州人洪武中以國子生授大理寺司務升少卿  
兵部尚書以清儉知名靖難兵起夸族按題名錄暴昭江西

浮梁縣人洪武乙丑進士別一人也

陝西志暴毅蒲城人任南康知府

甘肅志暴士弘秦州人成化中舉人任教諭

明史熹宗時刑科給事中暴謙貞劾李徵儀宮應震劉文炳  
趙興邦章下所司

題名錄暴孟奇潞安府屯留人嘉靖乙丑進士按任巡按御  
史

卻 見姓纂

左哀公十三年傳鄭子賡獲宋大夫成謹卻延按氏姓謹引

有年字誤

廣韻高昌長劄按史炤引云晉有尚書高昌劄久與孫恂說不同

唐書右武鋒兵馬使石演芬西域胡人李懷光養以為子懷光潛為朱泚通謀演芬遣其容劄成義詣行在告之請罷其都統之權成義走告懷光子瓘

姓纂唐殿中御史陝州刺史劄宏基生貞鉉按貞官虞部員外郎鉉即張柬之之甥光宅登科或以貞鉉為一人誤也氏姓謚元有劄知章樂平人有詩名與司業王嗣能齊名

江南志劄安儀徵人永樂舉人任高密縣訓導

統謚劄大經吳橋人嘉靖進士任山西參政按甘肅志作吳縣人萬厯間官洮岷兵備道劄光先長治人嘉靖進士任延綏右副都御史以功升大司馬甘肅志又云光先為三邊總

制

題名錄劄永春嘉靖壬戌進士劄獻珂崇禎庚辰進士劄炳元順治丙戌進士皆長垣人

受見千姓編从从丈不从又

與

氏姓謚與林西域人至正時爲奉化州明有奧里俊麻城人  
洪武初官餘干縣知縣

四川高縣志與克昭陝西人乾隆二年任高縣典史

夔 見廣韻

昏 見路史

貌

齊策靖郭君善齊貌辯之爲人也多疵門人弗說士尉以証  
靖郭君靖郭君不聽士尉辭而去孟嘗君又竊以諫靖郭君  
大怒曰鄒而類破吾家苟可慊齊貌辯者吾無辭爲之于是

舍之上舍令長子御之旦暮進食數年宣王薨閔王立靖郭  
君之交大不善于閔王辭而之薛與齊貌辯俱留無幾何齊  
貌辯辭而行請見閔王靖郭君曰王之不悅嬰甚公往必得  
死焉齊貌辯曰固不求生也請必行靖郭君不能止貌辯行  
至齊閔王聞之藏怒以待之貌辯曰愛則有之聽則無有王  
之方爲太子之時辯謂靖郭君曰太子相不仁過頤丞視若  
是者信反不若廢子更立衛姬嬰兒郊師靖郭君泣曰不可  
吾不忍也若聽辯而爲之必無今日之患也此爲一至于薛  
昭陽請以數倍之地易薛辯又曰必聽之靖郭君曰受薛于



先生雖惡于後王吾獨謂先王何且先王之廟在薛吾豈可  
以先王之廟與楚乎又不肯聽辯此爲二閔王太息動于顏  
色曰靖郭君之于寡人一至于此乎寡人少殊不知此客肯  
爲寡人靖郭君乎貌辯對曰敬諾靖郭君衣宣王之衣冠舞  
其劍閔王自迎靖郭君于郊望之而泣靖郭君至因請相之  
靖郭君辭不得已而受之七日謝病強辭不得三日而聽當  
是時靖郭君可謂能自知人矣能自知人故人非之不爲沮  
此齊貌辯之所以外生樂患趣難者也

告

見路史

孟子有告子按墨子云告子勝仁是告子名勝也趙岐注謂  
告子名不害嘗學于孟子蓋以告子即浩生不害也

冒

見姓誼

東國通鑑勃海小將冒豆干等奔高麗

陝西興安府志冒耕紹興中官金州觀察使

如皋縣志冒哲如皋人洪武中舉明經授本學訓導有造士  
聲子政字有恒官右都御史巡撫宣夏冒祐永樂舉人冠縣  
訓導冒鸞字挺和登進士改武庫主事後官福建布政使左  
參議冒諱臣正德中任廣西興樂縣知縣冒鳳嘉靖中任肥

縣丞冒忠愚萬厯中任高陽知縣冒夢齡字汝九選貢知會  
昌會縣萬山窮僻吏治墮窳夢齡立意振刷後升雲南宣州  
知州冒起宗如皋人崇禎戊辰進士

甘肅志冒材蘭州人成化丙午進士官知縣

照 見集韻此姓諸書無今補

集異記會稽照誕入海采菜于山上曝之夜忽見羣鬼張目  
切齒欲來擊誕誕奮刀砍之見鬼悉披麻歷乃就誕乞少紫  
菜誕不為與

耗 見姓苑又作耗

好 纂文好人姓火報切

𠂔 見說文廣韻

悼 見路史

媚 集韻媚音效姓也一作媚訛此姓諸書無今補

訇 見潛夫論

瀑 見千姓編

按日本國所刻書末有暴天氏跋是瀑日本國姓也

𠂔 見姓纂

賀 見虞預晉書廣韻

虞預晉書賀純字仲真儒學有重名安帝時爲侍中江夏太守去官與江夏黃瓊漢中楊厚俱公車徵按純事具見李固傳注

吳志賀齊字公苗父輔永宣長

晉書賀循字彥先邵子邵爲孫皓燒鋸死傳三仇

賀若氏見魏書

西魏書賀若統封當亭縣公按即敦之父也爲東魏潁州長史舉城降魏

周書賀若敦洛陽人曾祖貸魏獻文時入國爲都官尚書祖伏連仕魏雲州刺史父統勇健不好文學以祖蔭爲秘書郎齊神武時歷充恒雍三州刺史敦尚有氣幹統之執刺史田迅也慮事不果沈吟者久之敦贊成其計周文帝時官都督

廢帝二年拜右衛將軍加驃騎大將軍時岷蜀初開人情尚梗已西人譙淹據南梁州周文令敦討平之與田宏平向白彪與段韶禽文子榮陳將侯瑱侯安都等逼湘州相持歲餘瑱乃還除名敦恃功負氣出怨言晉公護逼令自殺將死呼子弼曰吾以舌死汝不可不思引錐刺弼舌出血誠以慎口

弟誼性剛果有幹畧周文據關中引之左右累遷儀同三司  
從成帝平齊拜洛州刺史開皇中位左成侯將軍突厥爲邊  
患誼素有盛名拜靈州刺史誼時年老猶能重鎧上馬爲北  
夸所憚乞骸骨歸卒子舉嗣弼字輔伯少有大志驍勇便弓  
馬解屬文博涉書紀有重名周齊王憲聞而敬之引爲記室  
與韋孝寬伐陳功多拜壽州刺史隨文帝爲丞相尉遲迥作  
亂帝恐弼爲變遣長孫平代之及受禪欲平江南高頴薦弼  
才拜吳州總管及平陳帝見迎勞曰克定三吳公之功也命  
登御坐賜物八千段拜右領軍大將軍撰御授平陳七策上

之自謂功名出朝臣之右每以宰相自許旣而楊素爲右僕  
射甚不平形于辭色由是免官下獄救出數之曰汝嫉妬心  
太猛自是非人心太猛無上心太猛大業三年從北巡作大  
帳弼以爲太侈與宇文弼等私議得失爲人所告竟坐誅其  
子懷亮慷慨有父風以大柱國世子拜儀同三司坐弼爲奴  
尋誅死

唐書高祖六年沙州別駕竇伏朋明反殺其總管賀若懷郭  
按通鑑作賀懷廣誤

唐書潁州刺史李皓以事忤滑毫節度使令狐彰彰使節度

判官姚爽按行潁州因代岵領州事岵殺之彰表言其狀岵亦上表自理上命給事中賀若察往按之

朝野僉載豫章令賀若瑾眼皮急項轅粗張鷟目爲飽乳犢子

郎官石柱題名有倉部郎中賀若孝義

唐書王涯使客賀若夷鼓琴娛賓

按唐元友諒汶川縣威戎軍制造天王殿記云我兵馬使賀若峯雷霆在天威戢戎猶寇簡晶曜山川載清即白樂天文所云西川大將賀若峯授御史中丞也峯峯二字未詳孰是

賀蘭氏見周書賀蘭祥傳太平寰宇記

西魏書建昌太守賀蘭植司徒李淑仁自梁州通使于東魏植攻斬之

周書賀蘭初真少知名爲鄉閭所重尚周文帝姊建安公主保定三年追贈太傅柱國常山郡主王子祥字盛樂年十一而孤居喪合礼爲周文帝所愛雖在戎旅常博延儒士教以書傳年十七解褐奉朝請加威烈將軍祥有膽氣志在立功行荊州事雖朞月而有惠政至是重往百姓安之流民遠附謚曰景有七子敬讓璨師寬知名敬少歷顯職襲爵涼國公

位至柱國夔州刺史讓大將軍鄭州刺史河東郡公璆開府  
儀同三司宜陽郡公建德五年從于并州戰沒師尚周文帝  
女位上儀同大將軍幽州刺史博陵郡公寬位開府儀同大  
將軍或始公入隨歷汴鄭二州刺史祥弟隆位大將軍襄樂  
縣公隨文帝與祥有舊開皇初追贈上柱國  
隨書賀蘭志爲總管

啓顏錄李叔慎賀蘭僧伽面甚黑杜善賢爲長安令亦黑行  
敏詠之曰叔慎騎烏馬僧伽把漆弓喚取長令共獵北山熊  
無名氏太常協律郎裴公妻賀蘭氏墓志銘賀蘭虔隨上柱

國子賀蘭靜皇左千牛子元愨潞州司士並宏翰深識布聲  
于代夫人即協律之姑女也

按唐賀蘭敏之或后姊韓國夫人子也脩撰東臺表李嗣真  
直宏文館又侯君集之婿賀蘭楚

唐書張建封遣其將賀蘭元均邵昭等守霍丘秋柵吳少誠  
竟不能過

按唐賀蘭奭貞觀中自左衛郎遷羽林將軍又按唐御史臺  
精舍題名有賀蘭進明工詩至德中遷嶺南經畧使終員外  
郎石柱題名又有賀蘭務溫主客員外郎又天寶時入賀蘭

慶又賀蘭賁天寶時書判拔萃科藝文志賀蘭正元輔佐記  
十卷又舉選衡鑑三卷昭義判官貞元十三年上

集仙傳宋真宗時磁州奏賀蘭真人奇蹟賀蘭號栖真喜伏  
烝不火食或時縱酒能啖肉數斤始居高山後徙濟源真宗  
曾召見問以點金之術對曰臣願陛下以堯舜之道點化天  
下方士偽術不足為陛下道也

賀術氏見姓詠

賀悅氏見魏書

魏書裴良傳時有五城郡山胡賀悅回成等以妖妄惑眾假

稱帝號服素衣持白傘白幡

賀拔氏見賀拔勝傳

魏書行臺常景破杜洛周斬其武川王賀拔文興別帥侯莫  
陳升生等按杜洛周即赫連達也

周書宇文泰使原州都督賀拔穎追侯莫陳悅悅縊死于林  
賀拔勝傳賀拔允字阿泥尖山人父度拔性果毅為武川本  
鎮軍主正光末沃野人破六韓拔陵反懷朔鎮將楊鈞聞度  
拔名召補統軍配以一旅為衛可瓌圍攻度拔乃與州里豪  
興珍念賢乙弗庫根尉遲檀等招義勇襲殺可瓌朝廷嘉之

允便弓馬有膽畧余朱榮待之甚厚後齊神武以北土之望  
尤親兀之爲太尉加侍中進爵爲王神武以允弟岳據關中  
有重兵深相委託及岳死孝武又委岳兄勝心腹之寄天平  
元年與神武獵武告允引弓擬神武乃置樓上餓殺之允三  
子世文世樂難陀與和末神武並召與諸子同學賜田宅允  
弟勝字破胡少有志操善左右馳射北邊莫不推其膽畧衛  
可瓌之圍懷朔勝潰圍出告急于臨淮王彧還報命而度拔  
已卒廣楊王深在五原召勝爲軍主以功拜統軍鮮于河胡  
寇恒州勝與兄允弟岳相失勝投肆州刺史尉慶賓爲爾朱

榮所得後以爲大都督鎮中山河橋之役勝以臣無仇君之

義遂勒所部還都莊帝大悅仲遠逼東都招假驃騎大將軍

東征爲鄭先護所疑後與爾朱氏同謀立節閔帝及爾朱氏

將討齊神武時勝從爾朱度律與兆不平勝以臨敵構隙取

敗之道與斛斯椿詣兆營和之反爲兆所執將斬復捨之韓

陵之戰降于齊神武太昌初以勝爲領州將軍孝武入關授

勝太保錄尚書事勝赴荊州戰敗奔梁武帝遇之甚厚三年

求還許之親餞于南苑勝自是之後每執弓矢見鳥獸南向

者皆不射之以申懷德之意河橋之役追齊神武稍墜及而



馬爲流矢所中副騎至而逸去已遠憤恨卒周文嘗曰諸將對敵神色皆動惟賀拔公臨陣如平常真大勇也勝弟岳字阿斗泥不談兵書而暗與之合從爾朱榮定策立孝莊爲武衛將軍時万俟醜奴僭稱大號關中騷動榮將遣岳討之岳請爾朱天光爲元帥已與侯莫陳悅副之時醜奴爲岐周州遣其大行臺尉遲菩薩僕射万俟行醜同向成功岳以輕騎數千禽菩薩禽太尉侯伏侯元進遂禽醜奴又禽賊行臺万俟道洛于賊帥王慶雲營中賊帥夏州人宿勤明達降復叛反討禽之加雍州刺史孝武刺心血持以寄岳令圖齊神武

岳懼乃于平涼西界布營數十里爲自安之計先是費也頭万俟受洛干鐵勒斛律沙門拔彌俄突紇豆陵伊利等擁眾自守至是皆款附岳欲討靈州刺史曹泥召侯莫陳悅爲前驅悅受神武密指圖岳而岳不知爲悅所害子緯嗣緯拜儀同三司按允魏帝紀作渥蓋允字阿鞠渥蓋渥字誤爲渥耳齊書賀拔仁字天惠善撫人以都督從神武破爾朱氏于韓陵力戰有功封安定王歷數州刺史太保太師右丞相錄尚書事按仁獻馬不甚駿齊主拔其髮輸晉陽負炭周書宮伯賀拔提與乙弗鳳等譖宇文護于周主又云以開

府賀拔伏思爲却國公

齊書神武詔其子曰賀拔焉過兒撲實無罪過

唐書瓜州刺史賀拔行威執驃騎將軍達奚曷與兵反

唐書振武營田使賀拔志歲終結果最詔白行簡閱實發其

妄

韓昌黎集張籍令進士賀拔恕寫科斗孝經漢衛宏官儀二

書以畱愈

李涪刊誤唐景雲二年賀拔延嗣除涼州都督充河西節度

始自此始有節度之號按南部新書景雲二年除賀拔嗣河

西節度使節度使自此始無延字

唐撫言王起長慶中再主文柄志欲以白敏中爲狀元病其

人與賀拔基還往基有文而落拓因密令親知申意俾敏中

與基絕按書史會要云賀拔基官至員外郎有書名撫言云

基長慶中再白敏中同進士第金石畧白居易重脩香山寺

詩賀拔基書

賀賴氏見官氏志

前燕錄匈奴單于賀賴頭率部落三萬五千口來降僞拜爲

宣西將軍

南燕錄輔國將軍賀賴盧劉裕伐燕議者欲縱使入峴盧苦  
諫不從按盧爲徐州刺史本魏將遼西公爲廣川太守性豪  
健恥居冀州刺史王輔之下襲輔殺之奔南燕慕容德以爲  
并州刺史封廣寧王魏書外集傳作賀盧非也即賀訥之弟  
賀遂氏見魏氏

周書遣小賓部賀遂兀與司賓李除聘于齊

又于謹傳別討夏州賊賀遂有伐等平之按伐一作代

通鑑綱目梁師都將賀遂索同以十二州降唐按唐書梁師  
都傳作賀遂索周

按唐有賀遂亮顯慶中官御史出爲陵州刺史有平百濟國  
碑文國史補載賀遂亮贈韓思彥詩云意氣百年內平生相  
知心欲交天下士未面已虛襟君子重名義直道冠衣簪風  
雲何可托懷抱自然深落霞舒霜景墜葉下疏林若上南山  
岸希訪北山岑又按韓思彥一作乾思彥誤思彥字英遠南  
陽人官御史在中宗時

法書要錄唐有知書人賀遂奇

賀婁氏見姓謚

周書裴果生禽東魏都督賀婁烏蘭勇冠當時

庾信集有周車騎將軍賀婁慈神道碑云公諱慈字元達本  
姓張清河東武城人

姓源韻謚後魏征西大將軍賀婁伏蓮生大拔蒙曾孫行本  
唐鳳州刺史按賀婁伏連後稱婁伏連封廣陵王韻謚作蓮  
字誤

隨書賀婁子幹字萬壽本代人隨魏南遷世居關右祖道成  
魏太子太傅侍中父景賢左衛大將軍子幹素以驍武知名  
仕周累遷少司水上士大象中除秦州刺史與宇文司錄從  
韋孝寬討尉遲迥進位開府開皇元年吐谷渾寇涼州以行

軍總管從上柱國元諧擊之功最優詔褒美即令子幹鎮涼  
州屢敗吐谷渾突厥之兵後突厥雍虞閭請降詔以子幹為  
行臺總管還拜雲州總管卒子善柱嗣官至黔安太守子幹  
兄詮亦有才器位至銀青光祿大夫勳純深三州刺史北地  
太守按隴西頻被寇掠而俗不設却堡命子幹勒民為堡仍  
營田積穀子幹上書論罷又按賀婁積子幹子也唐時官太  
子舍人

唐書尚宮賀婁氏後為臨淄王所誅按唐休璟傳時賀婁尚  
官方用事附者輒赫榮休璟乃為子娶其義女故復起宰相

唐書高仙芝破教律詩時有裨將賀婁餘閏令先修橋路  
賀狄氏見魏書

魏書賀狄干久在長安常幽閉因習讀經史舉止如儒者及  
還魏主珪見其言語衣服皆類秦人以爲慕而效之怒並其  
弟歸殺之

賀敦氏見孔至姓氏雜錄

賀吐氏見魏書

賀魯氏見官氏志

賀葛氏見官氏志

賀兒氏見官氏志

賀谷氏見姓纂

### 播

廣韻播執或殷末賢人按此說非宜刪

### 破

史記齊中郎破石病臣意診其脈告曰肺傷不治當後十日  
溲血死

破丑氏見舊唐書

破六韓氏按一作破六汗又作破落汗

後魏書北境賊破六汗拔陵沃野人其偽署王衛可瓌為賀拔允襲殺按肅宗紀李韶傳均作破若汗拔陵

齊書帝使庫直都督破六韓伯昇之鄴徵上黨王渙渙至紫陌橋殺伯昇而逃

北齊書破六韓常字保年匈奴單于之裔父孔雀驍勇背其宗人拔陵率部降爾朱榮詔加平北將軍卒常沈敏有膽畧善騎射天平中與冀州刺史万俟受洛干歸神威為武衛將軍卒于滄州刺史按魏書孔雀為阿那瓌所斬

隨書文帝將圖篡奪尉遲迴舉兵使侯正破六汗哀詣迴喻

旨迴殺之

破多羅氏見官氏志

夏錄秦高平公破多羅沒奕干以女妻勃勃

破野頭氏見隨書

破落那氏見氏族畧

佐

呂氏春秋去宥篇威王學書于沈尹筮令尹昭釐惡之王好術有中謝佐術者為昭釐言于王曰國人皆謂王沈尹筮之弟子王不悅乃疏沈尹筮

晉書載記石勒命記室佐明楷與稽程機撰上黨國記  
氏姓謹佐皓正德二年任登封縣丞博興人

作 見路史

風俗通漢涿郡太守作顯

貨 見姓苑

世本共鼓貨狐作舟宋衷注黃帝臣按一作貨狄又作化狐

箇 見姓苑

坐 見姓苑

姓韻卷七十七

或威張 澍篔

二十二禡

禡 見董復亨章丘志此姓諸書無今補

謝 見世本姓誼路史

左昭六年傳晉人來治杞田李孫將以成弁之謝息謂孟孫  
守不可曰人有言曰雖有挈瓶之知守不假器凡也

呂氏春秋東方之墨者謝子西見秦惠王惠王問秦之墨者  
唐姑果按說苑雜言篇作和謝子為是

晉書張重笏主簿謝艾敦煌人按隋志有謝艾集十卷文心  
雕龍云謝艾繁而不可刪

漢書中郎將謝暉暉弟侍中篤篤弟大將軍長史宓閭顯風  
有司奏與大將軍耿寶互作威福探刺禁中按善文曰暉字  
伯周宓字仲周篤字季周按字則宓為篤兄與漢書不同  
儒林傳九江謝曼卿善毛詩乃為其訓衛宏從之受學

三輔決錄大鴻臚謝服天子以為征伐姓謝名服不祥改為  
射氏名威威一作咸誤

水經注壺公三洞珠囊云壺公謝元歷陽人賣藥于市不二  
價治病皆愈語人曰服此藥必吐某物某日當愈事無不效  
漢書謝弼字輔宣東郡武陽人中直方正建宣二年詔舉有  
道弼對策除除郎中時青蛇見前殿弼上封事出為廣陵府  
丞歸家為曹節子東郡太守紹掠按死

漢書下邳人謝安應募率其宗親設伏擊徐鳳斬之封安為  
平鄉侯按此先于晉之謝安矣

漢書謝該字文儀章陵人明春秋左氏建安中河東樂詳條  
左氏疑滯數十事以問該為通解名為謝氏釋行于世仕為  
公車司馬



漢書謝夷吾字堯卿山陰人學風角占候太守第五倫擢為  
都郵知烏程長之死又自知死期官荊州刺史遷鉅鹿太守  
雩橋漢書謝承字偉平山陰人官長沙東部都尉博學洽聞  
撰後漢書百餘卷

按晉有謝鯤鯤子尚尚從弟安安弟石安兄子彥安子琰宋  
有謝莊齊有謝淪莊子梁有謝朓淪兄陳有謝哲朓孫謝嘏  
淪孫

唐書貞觀三年謝元深入朝冠烏熊皮冠若今之旄頭以金  
絡額身披毛帔韋皮行騰騰而著履又有南謝首領謝強與

西謝蠻隣接與元深俱來朝又邛州刺史謝泐牂牁錄事參  
軍謝文經均來朝又貞觀時酋長謝龍羽遣使朝貢授牂牁  
刺史

謝丘氏見風俗通

風俗通漢書古今人表有謝丘章魯人

夜  
見風俗通

漢五行志靈帝光和中雒陽男子夜龍以弓箭射北闕吏收  
考問辭居貧負責無所聊生因買弓箭以射近射妖也按風  
俗通夜姓也龍有從兄陽求臘錢龍假取繫數頗厭患之陽

與錢千龍意不滿欲破陽家因持弓矢射于武東關三發吏士呵縛首服帝詔惡惡止其身龍以重論陽不坐統謚夜珠山東人正德間官光祿寺丞夜景光山後人萬厯間任太原指揮

陝西志夜長夜靜均雒南人明貢生俱官知府

掖 見急就章

魏志正始四年倭王遣大夫掖邪狗等八人上生口倭錦拜掖邪狗率善中郎將按是東夷姓也

液 見姓苑

廣韻引急就章有液容調按今急就章作泐容調姓苑本作液

柘 見姓纂

史記越使大夫柘稽行成而質于吳按一作諸稽急就章柘温舒按顏師古云皆擬撰之名無其人希姓錄宋有柘淳登進士蜀人按今通志作柘淳柘王氏見周書廣韻

周書王康為持節大都督廢帝三年隨尉遲迴征蜀鎮天水郡尋賜姓柘王氏為鄜州刺史後仕周

唐書初益州長史李孝逸舊州都督柘王奉逸發劍南山南  
先戰龍支吐番敗敬元率總管劉審禮擊吐番青海口審禮  
戰沒敬元頓成風嶺礙險不縱吐番壓王師屯左領軍將黑  
蓋常之率死士五百夜斫其營虜驚自相輻籍而死者甚眾  
按一作奉益

舍 見姓苑路史

唐書貞元十四年以黑衣大食使舍嗟烏雞沙北三人並為  
中郎將是舍又夷姓也

舍利氏見南史

南史元嘉二十六年婆皇國王舍利婆羅跋摩遣使獻方物  
四十二種文帝冊命之為王孝武孝建三年遣長史竺婆那  
智獻方物以婆那智為振威將軍

南史婆達國王舍利不陵伽<sup>跋</sup>摩于元嘉二十六年遣使獻方  
物

唐書雲中都督舍利元英之部酋阿史那骨篤祿與阿史德  
元珍據黑沙城反

唐書龍朔中左武衛大將軍舍利阿博曾孫葛旃兼御史大  
夫賜姓李氏名奉國從父弟澄左神武大將軍按唐書李光

進少依舍利葛旃葛旃妻其女兄也初葛旃殺僕固瑒歸河東葛旃教光顏以騎射每嘆其天姿粟健己所不逮

赦 此姓諸書無今補

說苑臣術篇趙簡子臣有尹綽赦厥簡子曰厥也愛我諫我必不於眾人中綽也不愛我必于眾人中按尹綽當即尹鐸呂覽作尹鐸赦厥呂覽高誘注作趙厥

後趙錄石勒攻乞活赦亭田裡于中丘皆殺之

河南志赦敬中牟人正統舉人

牟 氏族畧牟所嫁切風俗通牟氏新鄭人楊牟村在縣西二十

五里牟音頃

亞 見路史

陝西志亞吉寧陰人嘉靖中任平陰縣丞

亞飯氏見氏族畧

庫 見姓苑韻會音赦按俗作庫非也

漢書庫鈞光武時為金城太守與河西都尉竇融等政皆寬和上下相親晏然富殖修兵馬習戰射明烽燧羌人犯塞諸郡相救由是羌人震服流民歸之按李賢注音舍

後趙錄趙將解飛及長水校尉尹車謀反與巴苜白徐庫彭

等相結胡三省曰庫音舍

魏書王足破蕭衍宣朔將軍庫保壽又賀拔勝傳會蕭衍戍

副庫岷

魏書太祖時紇奚部大人庫寒率部落來降

宋宣和書謚言御府有所藏唐庫令望告身

氏姓謚庫繼生廣西融縣人正統中任上杭縣主簿

聊齋志異庫大有字君實漢中洋縣人以武舉隸祖述舜麾

下祖厚遇之屢蒙拔擢遷為周總戎後覺大勢已去潛以兵

乘祖格拒傷手因就縛之納款于總督蔡至都夢至冥司

冥王怒其不義命鬼以沸油澆其足既醒足痛不可忍後腫

潰指盡墮又益之瘞輒呼曰我誠負義我誠負義遂死

斥 見姓苑姓纂

化 見姓苑

蘇恭本草隨有化公服石腦故名化公石

氏姓謚化輝普安人宣德中任宣遠縣知縣化從心蕭縣人

成化中貢士化之行蘄州人萬曆中太康知縣化應時無為

人萬曆中岳州衛指揮按王元美集化之行官襄府左長史

甘肅志化可善乾隆時階州舉人

題名錄化鳴春鄆縣增生中嘉慶丙子科副榜

怕

氏姓謹宋有國子博士怕錢

明史洪武二十六年改蘇州為宣番衛宣番衛元時立于邛  
都之野曰蘇州洪武間土官怕兀它從月魯帖木兒為亂廢  
州置衛環而居者西番種故曰宣番有冕山鎮西禮州中三  
千戶所是怕夸姓也

霸

見路史

益部耆舊傳有霸相按一引作霸相

元史霸突魯成宗大德八年追封東平王

射

見漢書注三輔決錄姓謹路史

韓非子宋王與齊仇也築武宮謳癸倡行者止觀築者不倦

王聞召而賜之對曰臣師射稽之謳工于王乃召射

漢書律歷志武帝元封元年詔典星射姓與大中大夫公孫  
卿壺遂太史令司馬遷侍郎尊大議造漢麻師云古云姓射  
名姓也

後漢書甘陵人劉文與南郡妖賊劉鮪交通訛言清河王當  
統天下欲共立蒜事覺文等遂劫清河相射嵩將至王宮司

馬門曰當立王為天子高為公高不聽罵之文因刺殺高注  
帝紀謝作射蓋紀傳不同按天文志亦云清河相射嵩  
集古印謚漢有射充

三輔決輔後漢末大鴻臚射咸本姓謝名服天子以為將軍  
出征姓謝名服不祥改之為射氏名咸子堅援堅蜀郡太守  
援中郎將按咸宜作威

三國志注吳有中書郎射慈字孝宗彭城人見禮論撰喪服  
圖及變除行于世按隨志射氏撰禮記音義隱即射慈也又  
云射氏喪服變除圖五卷今考書內有與太常卿徐整文採

問答者十二通鑑作謝慈非也齊王奮聞諸葛恪誅下住蕪  
湖欲至建業觀察傳相射慈等諫奮殺之

隨志射貢禮記音一卷

氏族畧宋有射紀寶祐進士

氏姓謚射子安浦江人弘治舉人射兌衡陽人宣德中任鹽  
井衛教授

華 見潛夫論世族謚廣韻

按左傳宋華費遂生三子華軀等多僚等登軀為少司馬多  
僚為御史與軀相惡又左傳雋姓居于公里脫甲歸助華氏

注姓萑氏族又赭丘之戰干犍御呂封人萑豹注萑豹萑氏  
黨萑御事為司寇子萑元為右師萑孫為司馬孫即華耦亦  
曰子伯萑樂戴族也華叔以蔡人救蕭華閱為華臣之弟華  
臯比為閱之子華吳為臯比之宰華定為司徒定叔孫也司  
馬戾言于知伯曰司徒侈丘家之主也華合比欲殺寺人柳  
柳誣以納丘人之族公逐之奔衛華亥代右師乃與寺人柳  
比公使亥代之注亥合比弟也又萑向萑定萑亥與向宣謀  
作亂殺羣公子公取萑亥之子無感萑定之子啟為寶質又  
衛齊豹欲殺公孟繫萑齊御公孟宗魯參乘及閱中齊氏用

戈擊公孟宗魯以背當之斷肱以中公孟之肩皆殺之衛戾  
將謀于華費遂將攻萑氏向宣欲殺太宰萑亥使少司寇萑  
恠歸三公子于公吳語夫申胥華登簡服吳國之士于甲兵  
而未嘗有所挫也注萑登宋司馬萑費遂之子也萑氏作亂  
於宋而敗登奔吳為大夫齊有萑免使以戈殺國佐于內宮  
之朝萑母傷齊戾襲莒杞杞殖萑還載甲夜入旦于之隧明  
日先遇莒子于蒲戾氏莒子重賂之使無死萑周對曰貪貨  
棄命亦君所惡也昏而受命日未中而棄之何以事君杜注  
萑周即萑還衛有萑滑萑仲



列子宋陽里筭子中年病忘朝取而夕忘夕取而朝忘在塗則忘行在室則忘坐今不識先後不識今

太平寰宇記秦漢之間有華子期師高山四皓後居北山因名之又見建安記

灌嬰傳所將卒虜齊車騎將軍華毋傷按此又一華毋傷也漢書蕭望之傳待詔華龍宣帝時與張子嶠等待詔以行汙穢不進按菽文志賦類有漢中都尉丞華龍賦二篇

功臣表終陵齊侯華毋害以越將從起留入漢定三秦擊滅臧荼侯孝文四年共侯勃嗣後四年侯祿嗣孝景四年坐出

畧耐為司寇元康四年曾孫於陵大夫告詔復家按勃史記作勃齊水經注高帝六年封越騎將軍毋害為降陽侯又

昇終陵侯吳

功臣表朝陽齊侯等寄以舍人從起薛以連敖入漢以都尉擊項羽攻韓王信侯高后元年文侯要嗣孝文十四年侯當嗣坐教人上書枉法耐為鬼薪元康四年子孫奉明大夫定詔復家

安成記漢末議曹華信築錢塘按錢塘記昔議曹華信議立此塘以防海募有能致一斛土者與錢一千旬月之間來者

雲集塘未成而不復取于是載土石者皆委之而去塘以之  
成故名錢塘

後漢書質帝紀歷陽賊雋蓋自稱黑帝攻殺九江太守楊岑  
滕撫破斬之

都鄉正街彈碑丞濟陰華林

水經注沅州刺史薛季獻碑有主簿華操

華嶠謚叙歌有三子表字偉容年二十餘為散騎侍郎時同  
僚諸郎共平尚書事年少並兼厲鋒氣要君名譽尚書事至  
或有不便故遺漏不視及傳書者去即入深文論駁惟表不

然事至有不便輒與尚書共論盡其意主者固執不得已然  
後共奏議司空陳泰等以此稱之仕晉歷太子少傅太常稱  
疾致仕拜光祿大夫性清談常慮天下退理司徒李膺司隸  
王密等常稱曰若此人不可得而貴不可得而賤不可得而

踈中子博歷三縣內使治有名蹟少子周黃門侍郎常山太  
守博學有文思中年遇疾終于家表有三子長子廙字長駿  
晉諸賢贊曰廙有文翰歷位尚書令太子少傅追贈光祿大  
夫開府嶠字叔駿有文學撰後漢書世稱為良史為秘書監  
尚書澹字季駿最知名為河南尹廙三子昆字敬倫清粹有

檢為尚書蒼字敬叔世語稱蒼貴正恒字敬則以通禮理稱  
昆尚書蒼河南尹恒左光祿大夫開府澹子軼字彥夏有當  
世才志為江州刺史

弩胥氏見路史

弩原氏見姓纂

姓纂後周鳳州刺史拓義公弩原罷生威周豐利公生韓皇  
右四府驃騎將軍生善惠

華陽氏見英賢傳

英賢傳漢有諫議大夫華陽通駙馬都尉華陽攀

攀

按漢桂陽太守周憬碑陰故行事未陽攀憂字漢威攀即華  
字憂即夏字也

下

下門氏見姓纂

國語景王既殺下門子賓孟適郊見雄雞自斷其尾問之侍  
者曰憚其犧也注下門子周大夫王子猛之傅也景王無適  
子既立子猛又欲立王子朝故先殺子猛傅下門子也

世本晉有大夫下門聰

下陽氏見春秋公子謚

下軍氏見氏族畧

晉 篡要晉人姓按玉篇晉烏雅切姓也亦見集韻一作亞

乍 見姓苑

駕 見姓苑

芊 見姓苑

華 音化見姓苑

姓韻卷七十八

二十三漾

向 見廣韻姓謚

淮南子殷之將敗也太史令向擊先歸文王暮年而紂乃止

按呂氏春秋殷內史向擊作向藝者訛

按春秋時宋桓公子向父肸肸孫戌為左師世本以戌為司

城皆守之子戌子宣奔楚向宜向鄭奔鄭杜注宜鄭皆戌子

宣之子羅向巢即左師眇見世本巢為向魁兄故檀弓鄭注

或威張 澍纂

向戌孫名魑杜注云曾孫疑非魑弟子頎子車司馬牛均見  
左傳又向為人為大司寇向帶為太宰皆奔楚又向滕向行  
四人系未詳滕一作勝

按左成二年傳衛侯使孫良夫石稷向禽將侵齊與齊師遇  
戰國策秦有向壽或謂曰甘茂欲以魏取齊公孫郝欲以韓  
取齊今公取宜陽以為功

漢書向長字子平朝歌人通易老按一作尚長

漢書向栩字甫興性卓詭不倫官侍中張角反栩言遣將于  
河北誦孝經賊自消滅張讓誣栩與張角同心收獄殺之

河堤謁者王誨碑云河內太守宋城向豹字伯尹

魏志向雄字伯茂收葬鍾會哭王經習鑿齒論其蹈義按雄  
入晉官河南尹時諸醫希旨皆言齊王攸無疾雄諫曰陛下  
子弟雖多然有德望者少齊王卧居京邑所益實深不可不  
思帝不納雄憤恚而卒

蜀志向朗字巨達宜城人為中郎將步兵校尉向寵朗兄子  
官中領軍弟充歷射聲校尉尚書

晉書西夸校尉向沈又汲郡向水聚眾數千壁于枋頭為石  
勒所敗

五代史世宗崩梁王宗訓即位以山南東道節度使向拱為  
西京留守兼侍中拱即向訓也避恭帝名改馬按訓河內人  
字星民少無賴聞滕秀才之言而改行滕名中正後官諫議  
大夫

尚

見廣韻東魏汲郡太守穆子容碑

世本黃帝臣常儀占日按一作尚儀

國策韓有尚靳游士也使于秦謂王曰韓之于秦也居為隱  
蔽出為雁行今韓已病矣秦師不下殺臣聞之脣揭者其齒  
寒願太王孰計之

高士傳尚長字子平按逸民傳作向長

按袁宏後漢紀有尚敏後漢書張讓傳有中大人尚但又有  
尚宏見魏志董卓傳注

吳志孫皓召術士尚廣筮問并天下事廣曰吉庚子歲陛下  
青蓋當入洛陽按唐藝文志尚廣周易雜占八卷

唐方技傳尚獻甫汲人善占候為渾儀監令撰方域等篇

唐書尚衡為濮陽丞安祿山反守節不受賊官至德中功臣  
二百六十五衡第二官檢校禮部尚書兼御史大夫按定命  
錄云衡幼時游戲曾脫其碧衫唯著紫衫有善相者見之曰

此兒已後當亦脫碧著紫矣

唐書神策兵馬使尚可孤討李希烈將三千人敗朱泚將仇敬遂取藍田可孤宇文部之別種也

通鑑閩主曦納金吾使尚保殷之女立為賢妃妃有殊色曦嬖之按考異云閩錄作尚可殷今從十國紀年

氏族畧宋尚道長宮僉判楊誠齋贈之詩

元史尚文字周卿深澤人至元六年尚文與諸儒議開元禮及近代禮儀可行于世者斟酌損益為朝儀後官中臺侍御史

元史尚野字文蔚滿城人世祖至元中以處士徵為國史院編修官建言水利有成法宜隸有司不宜復置河渠官

同州志尚志字士行同州人號南綱先生通五經隱于白水之龍岡山正統中累徵不起詔授本庠教導乃翻然以斯道為己任文章道德俱可師法尚衡字一中同州人弘治進士官工科給事中上疏諫止造佛塔有臣可無此身陛下不可有此過上為改歷叅政

劉煒傳尚褫字景福羅山人正統四年進士除行人上書請毋囚繫大臣擢南御史以劾周銓下獄與他御史皆謫驛丞

得雲南虛仁驛後官僉事

尚尚氏見傅餘顏復姓錄

尚方氏見傅餘顏復姓錄

漢書朱博傳朱博治左馮翊以長陵大姓尚方禁為耳目  
晨夜發起部中盜賊及他伏姦有功效博擢禁連守縣令傳  
又云長陵大姓尚方禁少時嘗盜人妻見斫創著其類師古  
云姓尚方名禁也

暢

見風俗通陳留風俗傳

風俗傳漢暢曾著水德經一卷按亦見集古印譜

姓纂引風俗傳有暢悅河東人

唐藝文志暢惠明論語義注十卷

唐書暢灌河東人有口才好談王霸之畧居職責成屬吏齷  
齷無過而已官戶部尚書按戎幕閒談云暢唯自負其才年  
六十餘始為河北相衛間一宰後遇隣縣令某主冥事者懼  
求之乃曰官祿甚高不足憂也乃遺一書曰慎不可先覽但  
經一事初改一官即開之自此拜從事拜殿中侍御史入為  
省郎諫議大夫發其書則除授時日皆不差及貶辰州司馬  
取視之曰為某事貶也徵為左丞終工部尚書舊唐書代宗



時以吏部侍郎暢瑾為左散騎常侍河中尹又檢校刑部尚書高力士傳作灌亦訛是作灌者誤也

唐書暢當河東人璿之子第進士貞元初為太常博士昭德皇后崩中外皆以為太子諸王服三年當與張薦之非用李吉甫議後以果州刺史卒按當弟暢諸有麻生失麻判文舊唐書德宗時以左丞暢悅為湖南觀察使按悅為太子左庶子為桂管觀察使

金石錄唐清河公主碑麟德元年暢整書

名畫記唐暢善山水似李將軍子明理妙過其父按理一

作瑾

氏族畧宋有都官郎中暢均河南人河中暢守真生熙熙生括錄事參軍括生彥雄政和五年上舍又程伊川門人暢大隱字潛造

元史暢師文字純甫南陽人祖淵父訥有詩名注地理指掌圖師文于世祖至元五年上書陳時政十六策後官國子司業

甘肅志暢等字子實隴西人正德丁丑進士事母孝初授無錫知縣處繁治劇日有餘力在任三年士民咸服升刑部主

事歷官至山西按察使司僉事莅政勤敏平奇嵐賊有功蒙  
賞以病卒

氏姓謹暢亨字文通河津人成化進士由長垣知縣擢御史  
宏治元年景宣縣屏風山異獸萬餘大如羊白色銜尾浮空  
去亨請罷温處銀礦暢應登萬厯戊午舉人嘉靖戊午進士  
官高平知縣暢茂崇禎時進士本朝順治間任陽穀知縣暢  
一鵬山西人知尉氏縣鄢陵賊徐完作亂一鵬督兵勦除後  
闖賊陷城不屈死

甘肅志暢溥隴西人順治間官五河知縣暢我衷靜宣州學

正

題名錄暢悅孟津縣人順治丙戌進士暢泰兆衛輝新鄉縣  
人康熙己未進士暢雲松和縣人康熙乙丑進士暢于熊新  
鄉縣人雍正甲辰進士暢翮山西河津縣人雍正庚戌進士

匠 見風俗通

風俗通古有匠石按莊子有匠石司馬彪注字伯向文選注  
字伯夔

左襄四年傳定如薨不殯于廟無櫬不虞匠慶謂季文子曰  
子為正卿而小君之喪不成不終君也注魯大夫一說梓慶

即匠慶

左傳石圃因匠氏攻莊公戎州人弑公

匠麗氏見左傳

成十七年傳公游于匠麗氏樂書中行偃遂執公國語厲公既殺三卻樂書中行偃懼誅執厲公而殺之于匠麗氏韋注匠麗氏晉嬖大夫按呂氏春秋晉厲知必死于匠麗氏匠麗氏晉大夫也厲公無道樂書中行偃殺之于匠麗氏也

漢功臣表有祝其侯匠麗舒

匠儂氏見後魏官氏志

儂 見姓苑辯證

姓苑晉有郗隆主簿儂慶

望 見風俗通姓苑

春秋運斗樞堯時有臨侯望博與禹發黃龍所負之圖

正字通宋景祐登科望儼澍按興安府選舉志宋進士望儼姓苑云魏興人

氏姓誼望子威安遠人弘治貢生士任吏目望增河內人弘治中常州府推官按王元美集子威是進士

甘肅志望廷臣彛陵州舉人隆慶中任善化縣禮縣知縣

題名錄望君錄盧氏縣人雍正癸卯進士

望一按望同望五音篇海字彙以為同望非也姓苑作望

統謚明望本夷陵人永樂舉人官知縣按凌氏又引望儼望本望增望子威他書皆作望

帟 此姓諸書無今補

按周密癸辛雜識帟令史河間人其妻為白鼠精所據帟音望

況 見姓苑

吳志諸葛恪傳注引虞喜志林曰況長宣以為君子臨事而

懼好謀而成又曰往聞長宣之甄文偉長宣蓋蜀人也

氏姓誼元況達廬江人泰定末為光澤令延見諸生講學建雲岩書院後為高安令平反冤獄

明史況鍾字伯律靖安人為部吏員吏部尚書呂震奇其才薦授儀制司主事遷郎中宣德五年帝以郡守多不稱職曾蘓州等九府缺皆雄劇地命部院臣舉其屬之廉能者補之鍾用尚書蹇義胡濙等薦擢知蘓州賜勅以遣之在任十三年升正三品

氏姓誼況文字應奎高安人永樂進士巡按至湖州得歸安

民壽殺入匿屍山中之案人稱神明官廣東左參政況真字  
彥珍高安人由歲貢歷工刑部主事性質直用法平允與人  
有惠況子玉廬州人正統間知宣城剛斷敏給歲饑多方賑  
濟民賴全活

明一統志況暹字鼎元上高人繇舉人歷萊陽漢川歸安教  
諭光祿寺署正制行純潔文章典雅周旋禮度俱可為法

題名錄况琛高安縣人永樂甲申進士按琛字宗魯除永平  
教授不欲赴解縉有詩贈行况照高安人正德戊辰進士况  
維垣高安人嘉靖丙戌進士况叔祺高安人嘉靖庚戌進士

按照官按察僉事叔祺官參政叔祺授刑部主事肆力學問  
與王元美俞德甫游從以聲詩相倡和歷禮部郎中貴州提  
學副使所著有大雅堂集

溧陽志况璟字汝明高安人進士任溧陽州知州莅政嚴明  
御物平恕擢刑部主事轉兵部員外郎

四川志况上達涪州人萬曆己丑進士官御史  
相見姓苑韻會

益都耆舊傳相登捷為人其妻姓周名度焚道人斷髮守寡  
亦見列女傳

寧陽國志相烏德陽人年十五適袁稚稚亡父母欲改嫁自殺

南蠻傳建武二十三年精夫相單程據險隘寇郡縣

集古印謚漢有相產

晉廣武將軍碑陰有都督馮翊相訓

魏書邢巒傳蕭衍驍騎將軍相文玉等率眾一萬屯于孤山

何孟春傳刑部郎中相世芳諫大禮哭左順門按世芳山西

人正統進士

氏姓謚相傑順天人景泰進士相迪上元人正統舉人任知

府相樞博興人弘治進士任山西參政

題名錄相佐錢塘人正統丙辰進士相啟運日照人順治丁

亥進士

相里氏見法苑珠林

姓畧里克子季連元孫勤為墨子之學韓子相里子古賢人

也著書七篇亦見莊子

漢高陽令楊著碑陰有沛君門生河東相里文調

英賢傳漢有河堤謁者相里平又持書御史相里虎濟陰太

守相里社始居西河

韻語晉有相里夫前趙有偏將軍相里覽梁有相里係孫本  
任索虜東平王侍郎大通二年歸化

北齊書德安王延宗即位以武衛將軍相里僧伽為瓜牙

唐書成士夔娶相里氏生男元慶元爽

劉禹錫嘉話錄崔護不登科怒其考官苗登即崔之舅也乃  
試為判白曹人之袒重耳駢脅再觀相里之剝苗登猪皮斯  
見初登為東畿尉相里造為尹曾欲笞之袒其背有猪毛長  
數寸按造為杭州太守又為河南尹為戶部郎中時魚朝恩  
會羣臣計事惟造與侍御史李衍以正言折之未始降屈獨

孤及有祭相里造文造字公度

唐書瀛鄭等州都團練判官朝議郎侍御史內供奉賜緋魚  
袋相里友略

唐書孝友傳序有安邑相里志降

唐書貞觀十六年百濟王義慈伐新羅與高麗和欲取黨項  
城以絕新羅入朝之路太宰遣司農丞相里多獎賈勅告諭  
兩蕃示以禍福

唐書鄧惟恭結大將相里重晏等謀亂董晉覺之殺其黨

五代史相里金并州人字奉君為人勇悍能折節下士遷隴

州防禦使廢帝起兵鳳翔馳檄四隣未有應者獨金首遣判  
官薛文過見廢帝往來計事廢帝即位德之拜保義軍節度  
使晉高祖時徙鎮建雄卒贈太師按碑金字國寶  
野雜記袁起岩說友薦相里擇寅安仁人知眉州相里貴見  
盧斌傳亦蜀人

涑水紀聞杜和公行貧甚傭書自給至濟源富民相里氏奇  
之妻以女由是資用稍給

相夫氏此姓諸書無今補

韓非子有相夫氏之墨鄧陵氏之墨按馬總意林引墨子作

相芬氏之墨與韓子顯學篇不同

浪

晉書永嘉末張平保青州為其下浪逢所殺

唐書貞元中狼蠻請內附補首領浪沙為刺史然卒不出

李晟傳得大首浪息曩奏封以王號每虜使至必召息曩于

坐衣大錦袍金帶以夸異之蕃人皆相指目榮羨息曩

浪我氏此姓諸書無今補

唐書生羌酋長浪我利波等帥眾內附以其地置柘拱二州

壯



晉語趙簡子問于壯馳茲曰東方之士孰為瘡壯馳茲拜曰  
敢賀簡子曰未應吾問何賀對曰臣聞國家之將興也君子  
自以為不足其止也若有餘今任晉國之政而問及小人又  
求賢人是以賀注壯馳茲晉大夫蓋吳人

按御覽引韓詩外傳壯之善即壯善也死白公之難者渚宮  
舊事引新序作壯之義疑誤

漢書功臣表堂邑安侯陳嬰定自為王壯息侯六百戶師古  
曰時有壯息者僭稱王嬰復討平也

壯丘氏見氏族畧按此非姓宜刪

盜 姓苑盜音烏浪反人姓也

賞 見集韻

姓源姚弋仲將賞耐虎又羽林監賞成後居隲陰吳平男賞  
娥後居同州

周聖母寺四面像碑有都隲輓賞榮達邑子賞于亮賞奴奴  
唐書僕固懷恩名將賞金毗

漢中志賞中疇城固人萬麻進士賞超萬麻癸卯科舉人  
陝西志賞汝蘭三原人弘治戊午舉人賞曷澄城人正統丁  
卯舉人周府教授賞永鳳翔人嘉靖乙酉舉人官知縣賞脩

吉扶風人萬曆乙酉舉人官知府寬壽朝邑人弘治壬子舉人官曲沃知縣寬文英藍田人弘治乙卯舉人

曠見風俗通

氏族畧宋潭州曠元則生用宗用宗生無忌無忌生湜字次淵紹興二年進士曠世臣吉水人紹興進士

氏姓謹曠敏宿州人永樂舉人任山西清源教諭曠彥溫德州人正德中任餘干縣知縣

丹陽縣志曠鳴鸞廬江人字聲和萬曆丁未進士令丹陽居官惟以地方利害為念慈祥樂易民愛戴之據堪輿家言丹陽

運河至昆陵河流直瀉弗利開浚轉河

氏姓謹曠宗舜醴陵人父禱于岳而生年十六中嘉靖戊子解元器宇識幹詩賦詞章度越常流著有淶江漫集

四川志曠騰遂寧人嘉靖舉人

甘肅志曠昭遂寧人崇禎間為西寧道按勝朝殉節錄曠昭巡撫江西右僉都御史初棄南昌走臨江後屯萬安大兵破城被執不屈死乾隆四十一年賜謚節愍

遂寧志曠騰霄有頭陀寺石梯記

題名錄曠敏本嶺山縣人雍正丙辰進士曠敷本衡山縣人

乾隆丁丑進士

縉紳錄太平府當塗縣典史曠攀賢湖南衡山人監生貴州鎮遠府經歷曠棻賢湖南衡山人廩貢

鄭 見姓苑玉篇六音荒姓出廬江縣亦見廣韻路史

唐叛臣傅高駢故吏佐史鄭師虔收墓駢

氏族畧鄭靖閬州人嘉祐進士鄭懷忠韶州人嘉泰進士

氏姓誼鄭寶洪武間由賢良方正授心源縣知縣鄭子輔字雄德宜章人以明經任本縣訓導升安福令不就復改勾容教諭子楚

明史鄭楚字孟質永樂九年進士授監察御史成祖在北京或奏南京鈔法為豪民沮壞帝遣楚廉視思謂將起大獄楚執一二市豪歸奏曰市人聞令震懼鈔法通矣事遂已倭犯

遼東戍守失律者百餘人皆應死命楚按問具言可矜狀帝為宥之營造北京執役者鉅萬命楚稽首病者多不死十六年有言秦民羣聚謀不軌者擢楚陝西按察副使敕以便宜調兵勦捕楚白其誣詔誅妄言者宣德四年賑關中饑在陝久刑政清簡父憂服除擢應天府尹蠲苛急政市政田稅皆酌其平正統元年進兵部右侍郎明年尚書王驥出督軍楚

獨任部事時邊陲多警將帥乏人楚請令中外博士舉謀畧材武士以備任使六年山東災楚請寬民間孳牧馬賠償之外令以甦其力十年進尚書舊例諸衛自百戶以下當代者必就試京師道遠無資者終身不得代楚請就令各都司試之人以為便瓦剌也先勢盛楚請為備又與廷臣議上方畧請增大同兵擇智謀大臣巡視西北邊務尋又請罷京營兵脩城之役令休息以備緩急時不能用也先入寇王振主親征不與外廷議可否詔下楚上疏言也先入犯一邊將足制之陛下為宗廟社稷主奈何不自重不聽既扈駕出關力請

回鑾振怒令與戶部尚書王佐皆隨大營楚遂墜馬幾殆或勸

留懷來城就醫楚曰至尊在行敢託疾自便乎車駕次宣府

朱勇敗沒楚請疾驅入關嚴兵為殿不報又詣行在申請振

怒曰腐儒安知兵事再言者死楚曰我為社稷生靈言何懼

振叱左右扶出楚與佐對泣帳中明日師覆楚死年六十五

楚為人勤廉端謹性至孝父子輔為句容教官教楚甚嚴楚

在陝久思一見父乃謀聘父為鄉試考官父怒曰子居憲司

而父為考官何以防閑馳書責之楚又嘗寄父褐復遺書責

曰汝掌刑名當洗冤釋滯以無忝任使何從得此褐乃以汚

我封還之楚奉書跪誦泣受教景泰初贈楚少保官其子儀  
為主事成化初謚忠肅

瓊臺志鄭海右所人書名獨步一時稱人品盡得掀押鈎格  
抵之法點化画生動不苟

氏姓謚鄭彥譽字美中臨武人賢良方正任布政司檢校升  
錢塘知縣心存愷悌以興學為事鄭璠字廷瑞任上人正德  
進士由吳橋知縣升瑞州府華林賊猝至璠以毒矢射退鄭  
民望號石岩臨武人少負文名官雲南宣州同知時弟民舉  
選昆明知縣並轡入滇滇大饑兄弟持臺檄往賑活者甚眾

回任宣州安撫土苗奏免糧運民立碑紀其績民舉號秀岩  
與兄從呂涇野講心性之學

題名錄鄭文南海人成化丙戌進士鄭頤南海人成化壬辰  
進士鄭珩任上縣人弘治己未進士鄭約南海縣人弘治壬  
戌進士鄭汴河間任上縣籍廣東高要人嘉靖丙戌進士鄭  
彭齡南海人隆慶辛未進士鄭日廣南海人崇禎丁丑進士  
氏姓謚鄭祖廉字精之登萬厯乙酉賢書潛心理學鄭祖詩  
號慕一居南嶽三十年精通五經鄭賢正字文宣崇禎戊辰  
選貢入京授江西定南令居官四載清慎如一精岐黃術

旺

宋史以孫義叟節制繇茂軍于是中軍將种友直等破其都  
祿板舍原諸族蠻敗散其酋旺烈等詣茂州請降乃班師授  
旺烈官月給茶綵

遼史興宗十九年正月遣使問罪于夏夏將旺布等攻之肅  
城耶律高嘉努等破之旺布被創遁走殺威赫伊特凌結五  
月旺布來降

氏姓謹旺斌皇德中任福州千戶

像 見後魏書此姓諸書無今補

後魏書鄧至羌之別種有像舒治者世為白水酋因地名號  
自稱鄧至自舒治至十世孫舒彭附于後魏按梁書太祖以  
像舒彭為平北將軍涼州刺史通鑑作像舒魏以像舒為涼  
州刺史無治字又像舒彭遣其子舊朝于魏且請傳位于舊  
從之又魏以像覽蹄為其國王

讓 此姓諸書無今補

按帝堯碑末有云己氏讓禮等咸各有惟追慕聖烈己氏縣  
名讓禮則人姓名也

亮 見姓苑

諒 見氏族畧

趙策奏攻魏取寧邑諸侯皆賀趙王使賀三反不得通趙王  
憂之謂左右曰以秦之強得寧邑以制齊趙諸侯皆賀吾往  
賀而獨不得通此必加兵我為之奈何左右曰使者三往不  
得通者必所使非其人也諒毅者辯士大王可試使之諒毅  
親受命而往至秦獻書秦王以稱大國秦王乃喜受幣而厚  
遇之

漢獨行傳諒輔字漢儒新都人為郡五官掾時天大旱祝曰  
輔不能進諫納忠薦賢退惡至今天地否隔萬物焦苦枯若

訪

日中不雨乞以身自焚頃大雨

氏姓謹唐訪武字叔於吳人舉進士有高行名著咸雍間知  
洪筠二州官至轉運使按一作訪武

唱 見姓苑

儻 見姓苑

量 見華陽國志姓苑

關 見姓苑

樣 此姓諸書無今補

韋皋傳皋斬苴夢衝于琵琶川立次鬼主樣棄等蠻部誓服  
宕 見路史

魏志守善羌侯宕尊

姓韻卷七十九

二十四敬

敬 見風俗通姓苑

說苑齊有狂卒敬君善画其妻美画妻之貌對之而笑按一  
作敬居

姓纂秦有敬丕丕生教為河東平陽太守子孫因官家焉裔  
孫韶漢末為揚州刺史生昌封猗氏侯昌生歸歸南涼枹罕  
太守按歸為乞伏儁檀司隸校尉鎮遠將軍鎮軍將軍常使

成威張 澍纂



質于蒙遜至胡阮逃還討折掘奇鎮于石驢戰敗死之  
風俗通後漢有揚州刺史敬歆按隸釋敬歆碑在正平縣北  
二十里歆字誤宜作韶也

晉書汝南王亮騎督敬琰

葛洪枹朴于廣陵敬奉傾竭府庫而不能救叛逆之誅

後魏書敬珍字國寶韶十世孫官絳州刺史敬祥珍從祖兄  
慷慨有大志齊神武趨沙苑珍謂祥曰高歡播遷關右稱兵  
內侮誠志士効命之日與兄圖之祥大悅按高歡歡自沙苑  
敗歸珍祥率眾邀之斬獲甚眾宇文泰以珍為平陽太守祥

為行臺郎中

北齊書敬顯雋字孝英平陽人俠有氣節交結豪傑為羽林  
監後除兗州刺史卒按顯雋子瑜武成時為廣陵太守瑜子

澄字深源為無錫令為政有方北齊書魏使兼司空敬顯雋  
奉皇帝綬璽東魏敬使君碑陰使君字顯雋平陽泰平人碑  
列名有持節假征西將軍大中大夫陽翟太守敬鴻顯陳留  
太守敬忻小郎名敬清奴州錄事參軍敬遵顯騎兵敬穆主  
簿敬頻敬子瑜都督敬珍又云持節假征西將軍平西將軍  
陽翟鎮將帶陽翟太守晉州平陽郡晉秋鄉吉遷里人又按

顯儁為齊儀同三司尚書右僕射通鑑作顯攜誤

金石錄敬君像頌跋敬君名曦顯儁從弟十世祖漢揚州刺史韶按林寶以為九世誤也

隨書敬肅字弘儉蒲坂人官潁川郡丞以貞介知名薛道衡為天下羣官之狀狀肅云心如鐵石老而彌篤

隨書敬釗字積善父元約周布憲大夫釗仁壽中為繁峙令有能名及賊至力戰城陷賊帥弼掠其資產而臨之以兵釗辭氣不撓賊釋之

唐書翊衛車騎將軍馮立聞建成死乃與薛萬徹謝叔方率東宮齊府精兵趣平陽門雲麾將軍敬君弘掌宿衛屯平陽門挺身出戰死之君弘絳州太平人齊右僕射顯儁之曾孫也

唐書敬暉字仲暉平陽人累官侍中以誅二張迎復中宗拜侍中封平陽郡王按暉為衛州刺史時諸州聞突厥入寇方秋爭民脩城暉謂僚屬曰金城非粟不守奈何舍收穫而事城郭乎悉罷之使歸田百姓大悅

唐書敬播河東人貞觀初進士授太子校書再遷太子司議郎永徽初拜諫議大夫給事中出為越州都督府長史與令

狐德棻等撰晉書與顏師古孔穎達等撰次隨書房元齡稱  
播為陳壽之流

大唐新語敬昭道為大理評事延和中沂有反者註誤四百  
餘人將隸司農事未即路繫在州獄昭道據赦文而免之時  
宰切責大理奈何赦反人家口大理卿及正等失色引昭道  
執政怒而責之昭道曰赦文云見禁囚徒反者繫在州獄即  
見禁也反復詰難無以奪之註誤者悉免昭道遷監察御史  
唐書敬忻武宗時為河陽節度使按敬忻即敬昕也自京兆  
尹敗柳州司馬

唐書敬超先昭州刺史有善政與杜甫友善敬元禮番禺人  
吉州參軍御史李福業流廣州武三思遣吏捕之福業匿其  
家俱坐死

金石文字記唐王居士碑塔銘顯慶三年上宮靈芝撰敬客  
正書高宗時人

唐書敬括字叔弓河東人少以文詞稱舉鄉貢進士又應制  
登科再遷右拾遺內供奉殿中侍御史大厯初出為果州同  
同州刺史累遷御史大夫子讓開元中魏州長史孫晦字日  
章進士及第累遷諫議大夫

唐書敬會真善易與老子因薦賜衣幣擢四門博士推索秘  
義

急就篇唐衛尉少卿敬沼又有敬冕按路嗣恭擢流入敬冕  
招集義遂勇破哥舒冕敬寬太子詹事四子昕字日觀皞字  
日新並右散騎常侍晦字日彰太子賓客煦字日彊昕又為  
河陽節度使世系表有昉字日休晤北都留守判官晳江西  
觀察使是兄弟也

五代史敬翔字子振馮翊人為梁太祖金鑾殿大學士翔為  
人沈深有智略在幕府二十年軍謀民政溫一以委之恒達  
旦不寢惟在馬上稍得宴息

唐書敬羽河中寶鼎人為安祿山將敬釭為史思明將釭先  
為朱泚御史大夫按羽後為道州司馬賜自盡

元史敬鉉易州人祖思嗣徽金參知政事第進士初為中都  
儒學提舉著有春秋備忘四十卷敬儼字威卿曾祖于淵樂  
陵令祖鑑同知嵩州事皆以進士起家父元長太常博士儼  
大德中為御史累官平章政事

甘肅志敬惟寅固原人永樂中山西吉州知州敬惟寅鎮原  
人崇禎時進士官檢校

題名錄故忠邠陽人永樂進士禮部主事敬篲邠陽縣人康熙癸巳進士

慶

見世本潛夫論春秋人謚廣韻

鬻子湯七佐有慶誦按一說慶誦即周祖慶節

按慶克通于聲孟子子封字子家為大夫見成十八年傳為楚所殺見昭四年傳慶佐亦克子為司寇見成十八年傳封之子舍字子之見襄二十八年傳慶嗣字子息封之族見襄二十八年傳慶真為上獻即慶繩見襄二十八年傳系未詳陳亦有慶氏慶寅慶虎是也見襄七年傳晉有慶氏慶鄭是

也見成二年傳

史記趙將慶舍慶秦按即卿秦也

說苑子對哀公曰衛有士曰慶足國有大事則進而治之無不濟也而靈公悅之

儒林傳慶普字孝公沛人同戴德戴聖受禮于后倉官東平王太傅

逸民傳慶鴻洛陽人慷慨有節義歷琅邪會稽太守有異政按廉范并鴻為刎頸交時人稱曰前有管鮑後有慶廉袁宏紀洛陽亭長慶鴻于寶搜神記何敞吳郡人少好道義隱居

里以大旱民物憔悴太守慶鴻遣戶曹掾致謁奉印綬煩守  
無錫啟不受追嘆而言曰郡界有災安能得懷道因跋涉之  
縣駐明星屋中蝗蝻消死啟即遁去

劉永傳永將慶吾斬永首降

西京雜記漢有慶虬之為清思賦時人不之貴託為司馬相  
如乃相贊嘆

虞預晉書侍中慶純避安帝父諱改為賀氏

急就篇隨有慶整按帝以蜀王秀付執法者開府儀同三司  
慶整諫曰庶人勇既廢奏王已薨陛下見子無多何至如是

蜀王性耿今被重責恐不自全上大怒欲斷其舌

唐書慶澄廣德初以左兵曹參軍兼武康德清二縣令邑經  
兵燹澄于瓦礫荆棘之中創制置宇舍城墉

氏姓謹慶鍾永樂舉人慶冬和州人宣德中知縣

慶父氏見世本姓苑

世本魯有慶父籍為楚工叔正

慶忌氏見姓苑姓纂路史

慶師氏見姓苑路史

五 見廣韻

博物志顓頊臣有孟翼

括地圖虞舜臣有孟虧蓋馴鳥夏后氏之末民食耶而孟虧去之按一作孟舒

山海經夏啟臣有孟涂菴訖于巳是請生民衣有血者乃執之

竹書紀年周穆王臣有孟愈

洞冥記孟岐清河逸人自言一千七百歲周公抱成王朝祖廟岐以手摩王足周公以玉笏遺之

春秋襄四年傳無終子嘉父使孟樂如晉因魏莊子納虎豹

之皮以請和諸戎

左傳魯有孟公綽孟之反即孟之側

左莊八年傳連稱管至父之亂入殺孟陽于牀杜注孟陽小臣代公居牀

國策孟說與秦成王舉龍文之鼎

尸子衛孟賁勇士水行不避蛟龍陸行不避虎豹而身死于庸人按漢百官表有少府孟賁靈帝紀有中常侍孟賁

史記秦本紀擊芒耶擊陽索隱引譙周云孟耶也淮南子孟卯妻其嫂而有五子焉然而相魏宣其危解其患注引戰國

策曰世卯也

呂氏春秋孔子之友孟蘇按一作孟蘇

三遷志軻娶田氏生子名仲子孟氏謚云名畢按趙岐以孟仲子為從昆弟學于孟子者經曲序錄云子夏傳詩于曾申申傳魏人李克克傳魯人孟仲子當即其人孟季子又當為仲子之弟也

呂氏春秋墨者鉅之子孟勝善荆陽城居注鉅子孟勝二人學墨道者也按注誤鉅子非人姓名蓋稱孟勝為鉅子耳居一引作君

史記商鞅曰鞅之得見也從孟蘭皋索隱云孟蘭皋人姓名也

史記孟舒事趙王張敖自髡鉗隨王上拜為雲中守免用田叔言復拜為雲中守

漢書儒林傳孟卿東海人說禮數萬言孟喜字長卿蘭陵人從田王孫受易作易章句又云廣川人孟但以易為太子門大夫

水經注漢中平四年漁陽張純反殺右北平太守劉政遼東太守陽紘中即將孟益率孫瓚討純戰于石門大破之



輿服志注尚書孟希奏令史質堪以大官宜兩梁冠不可許  
按陳忠傳作孟布疑布字誤實一人也

郭林宗傳孟敏字叔達鉅鹿人墮甑不顧

靈帝紀太常河南孟馘為太尉馘字叔達按濟陰太守孟郁  
脩帝堯廟碑云濟陰太守河南匿師孟府君諱郁字敬達治  
尚書經博覽眾文天姿瑋度體性溫仁闕極道之要妙游觀  
六藝之原據旋機之政務在濟民歷典六郡威教若神是郁  
郁通字

魏志京兆太守孟康至郭觀農自刈芻飼馬註漢書

西域傳靈帝建寧三年涼州刺史孟佗遣兵討疏勒攻楨中  
城按一作楨中又作植中佗字伯郎見三輔決錄

循吏傳孟嘗字伯周上虞人官合浦太守去珠復還

吳志孟宗本名仁字公威為令寄鮓與母冬泣竹而筍生後  
以光祿勳為左右御史大夫司空

晉書孟欽洛陽人有左慈劉根之術苻堅忌之又姚秦常山  
公顯遣善射者孟欽等五十人挑戰于涼風門此又一孟欽  
也

後涼錄昌松太守孟禕或威人禿髮儁檀克顯親執孟禕而

責之以其不早降禕曰禕受呂氏厚恩分符守土若明公大  
軍甫至望旗歸附恐獲罪于執事矣偃檀釋而禮之以禕為  
左司馬禕辭曰呂氏將亡聖朝必取河右人無愚智皆知之  
但禕為人守城不能全復忝顯仁于心竊所未安若蒙明公  
之惠使得就死姑臧死且不朽偃檀義而歸之

孟孫氏見姓纂

莊子顏回問仲尼曰孟孫才其母死哭泣無涕中心不戚居  
喪不哀無是三者以善喪聞蓋魯國固有無其實而得其名  
者乎

墨子楊朱弟子孟孫勝與心都子共問止羊者

孟施氏此姓諸書無今補

按孟施舍見孟子趙岐注孟姓舍名施發音也此說誤朱子  
從之蓋魯有孟施氏復姓或謂施舍者猶南宮縮家語稱宮  
宮縮耳

孟獲氏見姓纂

呂氏春秋齊力人孟獲按即左傳之猛獲也

盛 見盛允碑孔至雜錄韻謚

史說春申君說秦昭王曰今王使盛橋守事于韓盛橋以其

地入秦是王不用甲不信威而得百里之地王可謂能矣按  
一作盛播鮑彪云秦人

西京雜記司馬相如之友盛覽字長卿牂牁名士嘗問以作  
賊相如曰合纂組以成文列錦繡而為質一經一緯一官一  
商此賊之迹也覽乃作合組歌列錦賦而退終身不敢言作  
賊之心

按武帝時栢梁臺作詩有左馮翊盛宣詩曰三輔盜賊天下  
危謝承後漢書盛吉字伯達山陰人為廷尉每至冬節罪囚  
當斷妻夜執燭吉秉丹筆夫妻相對垂泣決罪按會稽典錄

隴西太守鄧融以贓罪徵詣廷尉考驗歷歲不服吉到供湯  
沐飲食脫桎梏以情實告之融首服

司徒盛允碑公字伯世梁國虞人桓帝時察孝廉為郎大鴻  
臚累遷司徒司空按風俗通梁國司徒盛允字子翮為議郎  
慕孟博之德貪樹于有禮其字與碑異後漢書注作伯代者  
避唐諱

後漢書長沙零陵賊起遣御史中丞盛脩督州郡兵討之不  
克

後漢書西羌傳北地太守盛苞與右扶風仲光安定太守杜

恢京兆虎牙都尉耿溥右扶風都尉皇甫旗等擊零昌按苞  
為司徒盛吉裔孫

孔氏志怪會稽盛逸嘗晨興路未有行人也見門內柳樹上  
有一人長二尺餘朱衣冠俯以舌舐樹葉上露良久忽見逸  
神意如有驚遽即隱不見

吳志丹陽監盛紀為王濬唐彬擊破又盛冲吳孫休受學及  
即位以為博士休欲與博士祭酒韋昭及冲講論張布以昭  
冲切直恐其入侍言已陰過固諫止之

吳志盛憲字孝章會稽人厚重雄偉與弟宏仲為一時名士

歷吳郡太守子匡仕魏征東司馬

晉書盛彥字翁子廣陵人事母至孝母失明侍婢伺彥暫行  
取蟻螬炙飴之母食以為美密藏以示彥彥見之抱母痛哭  
絕而後蘇母目豁然即開仕吳至中書侍郎按幽明錄引作  
盛冲事

按晉有盛弘之為臨川王侍讀作荊州記三卷見隨志

唐書秦王世民使行軍總管史萬寶盛彥師鎮宜陽

五代史閩王延鈞好神仙之書巫者與盛韜等誘之作寶皇

宮

正 見姓苑

左傳哀公三年季孫有疾命正常曰無死南孺子之子男也則以告而立之女也則肥也可南氏生男正常載以入朝告曰夫子有遺言生男則告于君于大夫而立之公使共劉視之則或殺之矣呂正常正常不反注正常桓子之寵臣鐘鼎款識銘曰魯正叔之宥作槃其御口子子孫孫永壽用之

京房傳秦時趙高用事有正先者非刺趙高而死高威自此成故秦之亂正先趣之孟康云姓正名先秦博士按一云正

先秦人也時趙高用事先憤憤不平一日挾短兵刺高不中縛而殺之自是高威行秦廷羣臣莫敢仰視秦亂遂成

百官表大農令正夫

魏志蜀有永昌太守正昂按蜀志正昂益州太守為雍闓所殺

氏族畧祥符登科有正尹

金石紀石烈牙吾塔傳殺宋統制正大蓬

氏姓謹正復合肥人洪武乙卯舉人任大同府教授正閏綏寧人洪熙中任信靈縣丞

正令氏見姓纂

姓纂漢有尚書郎正令宮樓宮一引作官

正興氏見廣韻

左襄二年齊侯伐萊萊人使正興子賂夙沙衛以索牛馬皆百匹齊師乃還

政

見姓苑又見千姓編

金石<sup>史</sup>紇石烈桓端傳有賊政萬

姓

見姓苑

漢書貨殖傳臨淄姓偉貨五千萬注曰姓姓名偉也按食貨

志義和置命士督五均六幹郡有數人皆用富賈洛陽孽仲

張長又臨菑姓偉等乘傳求利交錯天下

統謚明有姓秉恭南海貢生

鏡

見姓苑

姓苑漢有河內令鏡斂字長孟按集古印謚有鏡斂又有鏡斂長孟蓋一印止署姓名一印兼署字也

五代史後唐同光中伶官鏡新磨河東人按一作敬新磨為教坊伶官受賄為人所告帝令御史臺先徵其錢然後撻之清異錄老伶官黃世明嘗言逮事莊宗大雪內宴鏡新磨進

詞曰冷飛豔

柄 見姓苑姓源韻謚

命 見姓苑

穆天子傳有曷余之人命懷郭注人名按當是姓命名懷也

性 見取姓苑

聖 見姓苑姓源路史

帝系謚女媧臣聖氏製斑管以合日月星辰擇晨以作樂

五代史四夸錄晉時于闐國王聖天年號同慶

竟 見姓苑路史

鄭 見姓謚

左昭二十年傳赭丘之戰鄭翩願為鸛其御願為鵠成二年

傳鞏之戰鄭周父御佐車宛拔為右載齊侯以免哀九年傳

宋取鄭師以却張與鄭羅歸

家語魯有孔子弟子鄭國

國策齊有鄭安平又韓公叔與幾瑟爭國鄭彊為楚王使于

韓矯以新城陽人命世子以與公叔爭國楚怒將罪之鄭彊

曰臣之矯與之以為國也

史記韓有水工鄭國為秦開渠按此又一鄭國也

趙策鄭同北見趙王趙王曰子南方之博士也何以教之鄭  
同曰臣南方草鄙之人也何足問雖然王致之于前安敢不  
對乎注同鄭人

國策韓有鄭昌按史記項籍封吳令鄭昌為韓王以距漢又  
一鄭昌也

說苑趙宣子車右鄭龍

春秋後傳使者鄭容入函谷關至平舒道見騫山有素車白  
馬問鄭容安之曰之咸陽曰吾騫山君願託書致鎬池君  
漢書鄭莊字當時官大司農愛容置驛

漢書卸惲傳鄭敬字次都清志高世光武連徵不到與卸惲  
友善

漢書章帝時大司農鄭弘字巨君山陰人采薪乞于山神若  
耶溪旦南風莫北風呼為鄭公風後為太尉又鄭弘字穉卿  
泰山剛人兄昌字次卿皆明經通法律昌為太原涿州太守  
弘為南陽太守皆著治迹弘遷淮陽相入為右扶風代韋子  
成為御史大夫是有二鄭弘也

漢書鄭吉會稽人彊執習外國事宣帝時為西域都護都護  
之置自吉始封安遠侯



漢書鄭興字少贛開封人少學公羊春秋晚善左氏春秋尤明周官長于麻數世言左氏者多祖興

漢書鄭均字仲虞任城人少好黃老肅宗時拜議郎告歸詔與毛義同賜千斛

漢書安帝時先零羌寇褒中漢中太守鄭勤戰歿

後漢書鄭子字康成高密人孔融為立鄉曰鄭公鄉門曰通德門子益思孔融舉為孝廉黃巾圍北海赴難隕身益思子曰小同高貴鄉公時為侍中

舊唐書鄭虔傳有鄭相如者自滄州來師事虔虔問何業相如曰聞孔子稱繼周者百世可知僕亦知之虔駭然即問曰開元盡三十年當改元盡十五年天下亂賊臣僭位公當汙偽官若守節可以免

鄭丘氏見英賢傳

英賢傳晉有鄭丘緩按緩一作綬誤左成二年傳鞏之戰晉解張御卻克鄭丘緩為右緩曰自始合苟有險余必下推車子豈識之

二十五徑

寗 見杜預左注世族謚

按莊六年傳放甯跪于秦世族謚云文仲或公孫也左閔二  
年傳與甯莊子矢即甯速也世族謚甯跪孫韋昭國語注莊  
子衛正卿穆仲靜之子僖二十八年傳甯或子與衛人盟于  
宛濮即甯俞也成二年傳甯相侵齊杜注相甯俞子世族謚  
云相成子成十四年傳衛侯饗苦成叔甯惠子相即甯殖也  
襄二十五年傳甯惠子疾召悼子即甯喜也二十七年衛殺  
之然考莊六年傳放甯跪于秦哀四年傳甯跪救范氏是衛  
有兩甯跪也陳氏謚云或公之子季釁四世孫曰甯跪又晉  
陽處父聘衛反過甯甯嬴從之及溫而還妻問之嬴曰以岡

是以邑為姓也

說苑齊有甯戚衛人叩牛角而歌碩鼠按呂氏春秋有甯邀  
高誘注即甯戚又周有甯越中牟人發憤學十三年為威王

師

史記東陽甯君聞陳王弔敗乃立景駒為楚王師古曰姓甯  
時號為君

衛青傳甯乘說大將軍青以五百金為王夫人壽上廼拜甯  
乘為東海都尉按史記乘齊人

兩龔傳龔勝薦亢父甯壽稱疾不至

漢書甯成南陽穰人以郎謁者事景帝好氣為少吏必陵其  
長吏為人上操下急如東溼職狷任威遷濟南都尉後為中尉  
及少府

謁者長景君墓表弟子濟北荏平甯尊字伯尊

隨書欽州刺史甯長真以鬱林始安之地附于蕭銑銑遣長  
真帥嶺南之眾自海道攻交阯刺史丘和後降唐唐以為欽

州總管

唐書太子重俊既死東宮僚屬無敢近太子尸者唯永和縣  
丞甯嘉勛解衣裹太子首號哭數興平丞睿宗下制曰甯嘉

勛能重名節事高繼向幽途已往生氣凜然靜言忠義追存

褒寵可贈永和縣令

鄧 見廣韻

爭女傳黃帝將有鄧伯溫深于孤虛相旺之術

左傳楚鄧廖帥組甲三百被練三千以侵吳吳人要而擊之  
獲鄧廖在襄公三年

韓子鄭有鄧析作竹刑為子產殺按列子鄧析操兩可之說  
設無窮之辭當子產執政作竹刑鄭國用之數難子產之治  
子產俄而殺之按左定九年傳駟歇殺鄧析而用其竹刑

賈子新書陳靈公殺泄冶而鄧元去陳以族從  
仙傳老聃薦鄧種代已柱下史之職

功臣表離侯鄧弱四月戊寅封按楚漢春秋亦闕成帝時光  
祿大夫滑湛日旁占驗曰鄧弱以長沙將兵侯

史記景帝時謁者僕射鄧公為校尉擊吳楚還見言誅黽錯  
之非公城固人多奇計其子章以脩黃老顯于諸公間正義  
曰漢書作鄧先孔文祥云名先按師古云鄧先猶言鄧先生  
也

漢書光武紀更始復漢將軍鄧暉降復其爵位又光武游擊  
將軍鄧隆又鄧曄光武時為執金吾謝承書曰曄南陽南鄉  
人以勤悍廉直為名

王郎傳光武將軍鄧滿按續漢書作鄧蒲

按東觀漢記鄧晨曾祖父隆為揚州刺史祖父勳為交阯刺  
史漢書晨字偉卿父宏豫章都尉晨為常山太守又破虜將  
軍鄧奉大司徒鄧禹字仲孺交阯牧鄧讓率七郡太守遣使  
奉貢鄧訓字平叔禹第六子官護羌校尉子隲字昭伯為車  
騎將軍太后之兄定策禁中迎立安帝鄧彪章帝時由大司  
農為太尉和帝時鄧鴻為度遼將軍出柵陽塞後為車騎將

軍衛尉鄧疊疊弟步兵校尉磊以黨竇憲下獄死鄧遵安帝時為度遼將軍後以乳母王聖與中黃門李閔等誣告尚書鄧訪等謀廢立宗族皆免官隲與遵皆自殺桓帝時河南令鄧萬世鄧后之叔父虎賁中郎將鄧會后之兄子並下獄死靈帝時以太僕加農鄧盛為太尉盛字伯能

漢書李傕郭汜敗王師于京澗殺光祿勳鄧泉金衛尉士孫瑞廷尉宣璠大長秋苗祀

按漢河堤謁者王誨碑河內丞汝南鄧方字德山蜀漢亦有鄧方為庠降都督李漢有車騎將軍鄧芝蜀李雄時亦有扶

風鄧芝率流民來附

郭頒世語鄧艾口吃語稱艾艾晉文王戲之曰艾艾為是幾艾對曰鳳兮鳳兮故是一鳳艾字士季

壻山記和農鄧紹八月曉入壻山見童子執五采囊盛栢露食之紹問用此何為答曰赤松先生取以明目言終便失所在

魏書初太祖命尚書鄧淵撰國紀十餘卷未成而止世祖更命崔浩與中書侍郎鄧穎等續成之穎淵子也

鄧陵氏見姓謚

莊子南方墨者鄧陵子之屬以聖白異同之辯相訾以箭偶  
不侔之辭相應者也按亦見韓非子

鄧侯氏見路史

定 見姓苑

印藪漢有定或定廣定林

氏姓謚定正字伯安高昌人洪武間知秦寧縣敦風化作士

氣凡公署學舍多所脩建升廣德州同知

朱彝尊集明定定公靜與國子祭酒胡季安左右贊善門克

新王後華脩撰許觀張信編脩馬京盧原質齊麟張顯宗景

清戴德彝國子助教高耀王英同修書傳曾選

聽 見姓苑

孕 見姓苑

氏姓謚宋有孕澍瑞州路推官按澍一作樹

乘 見世本風俗通

山海經咸鳥生乘釐伏羲孫也

呂氏春秋乘雅作駕注黃帝臣

世本乘睢古賢人

漢功臣表黃棗侯乘昌按百官表乘昌為奉常

儒林傳乘弘治易為博士河南人京房之弟子也

經典釋文乘欽傳達暉尚書按一作桑欽

廣川王傳繆王齊有幸臣乘距上書告齊與同產姦

漢北海相景君碑陰有故書佐劇乘禹字百度

姓氏急就篇漢益州太守乘勝按漢書孝昭始元三年姑繒

葉榆復反遣水衡都尉呂辟胡將郡兵擊之辟故不進蠻吞

遂殺益州太守乘勝與辟胡

經籍志晉乘與吳興人撰帝王世紀

南齊書乘公濟烏程人按統謚作漢人誤

唐大忍寺門樓碑文有前尉乘璉

乘丘氏見韻譜

漢藝文志注六國時乘丘氏著乘丘子五篇按宋書大且渠

傳作桑丘子

乘馬氏見姓苑漢書注

史記絳侯世家所將卒斬陳豨將軍乘馬絺按漢書作乘馬

降

陳湯傳將作大匠乘馬延年以勞苦秩中二千石師古曰姓

乘馬名延年乘音食孕反按即諫大夫乘馬延年也亦治河

見河渠志明算計能商功利

氏族畧漢有張掖人乘馬敷按敷一作敦

騰 見路史

亘 見辯證



